



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **10-627-10/17**

Sarajevo, 26.7.2017. godine

Int. br. nabavke: **10-233-2/17**

Na osnovu člana 64. stav (1) i člana 70. stav (1) Zakona o javnim nabavkama ("Službeni glasnik BiH", broj 39/14) i Preporuke iz Zapisnika broj: 10-627-9/17 od 26.7.2017. godine, uz primjenu **postupka konkurentskog zahtjeva za dostavljanje ponuda**, donosim

O D L U K U

o izboru najpovoljnijeg ponuđača za javnu nabavku usluga

"Tehnička podrška uspostavi platforme u cilju prognoze poplava u slivu rijeke Save FFWS (projekat WBIF i Savske komisije) - obezbjeđenje internet usluga"

Obavještenje o nabavci br.: 1132-7-2-93-3-78/17

Član 1.

Kao najpovoljniji ponuđač za javnu nabavku usluga **"Tehnička podrška uspostavi platforme u cilju prognoze poplava u slivu rijeke Save FFWS (projekat WBIF i Savske komisije) - obezbjeđenje internet usluga"** bira se ponuđač **EUROPRONET BOSNIA d.o.o. Sarajevo, ul. Fra Anđela Zvizdovića 1, registrovan kod Općinskog suda u Sarajevu, MBS:65-01-0356-11, JIB:4200106900004**, za ponuđenu cijenu **24.840,00 KM bez PDV-a**, odnosno **29.062,80 KM sa PDV-om**.

Član 2.

Ponuđaču **EUROPRONET BOSNIA d.o.o. Sarajevo** će se dodjeliti prijedlog ugovora za pružanje usluga iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se **Sektor za upravljanje vodama** Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz okvirnog Plana i Finansijskog plana Agencije za 2017. godinu, ekonomski kod 614819133.

Član 5.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 6.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 10-627-2/17 od 21.6.2017. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 27.000,00 KM. Obavještenje o nabavci broj: 1132-7-2-93-3-78/17 je poslato na objavu i objavljeno na portalu javnih nabavki dana 28.06.2017. godine.

Zahtjev za dostavu ponuda je proslijeđen sljedećim ponuđačima (istovremeno sa slanjem obavještenja na Portal javnih nabavki):

1. BH TELECOM d.d. Sarajevo
2. Logosoft d.o.o. Sarajevo
3. Europronet Bosnia d.o.o. Sarajevo

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. Logosoft d.o.o.
2. ekapija doo
3. EUROPRONET BOSNIA D.O.O.
4. Infostrim d.o.o.
5. BBS Europe
6. SOFTNET DOO SARAJEVO
7. PROINTER ITSS doo
8. DIONIČARSKO DRUŠTVO BH TELECOM SARAJEVO
9. Ekonerg d.o.o.

Komisija za nabavku imenovana je Rješenjem broj: 10-627-4/17 od 28.6.2017. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je

utvrđeno sljedeće:

- Da su zahtjevi za dostavljanje ponuda poslani na adrese 3 (slovima: tri) ponuđača
- Da je ukupan broj preuzimanja tenderske dokumentacije 9 (slovima: devet)
- Da je ukupan broj pristiglih ponuda 4 (slovima: četiri)
- Da je ukupan broj blagovremeno zaprimljenih ponuda 4 (slovima: četiri)
- Da nema neblagovremeno zaprimljenih ponuda
- Da su ponude 3 (slovima: tri) ponuđača prihvatljive.
- Da je 1 ponuda ocijenjena kao neprihvatljiva.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene, kako slijedi:

R. broj	PONUĐAČ	Cijena na (javnom) otvaranju KM (bez PDV-a)
1	EUROPONET BOSNIA d.o.o. Sarajevo	24.840,00
2	LOGOSOFT d.o.o. Sarajevo	26.280,00
3	BH TELECOM d.d. Sarajevo	65.513,50

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 500,00 KM (član 108. stav (1) tačka c) Zakona o javnim nabavkama BiH).

Dostaviti:

- Ponuđačima
- Sektor za ekonomske, pravne i opšte poslove
- Sektor za upravljanje vodama
- a/a



DIREKTOR

Sejad Delić, dipl.inž.